

06/04/1999

Lawatan Mahathir ditangguh

GEORGETOWN, Isnin - Lawatan kerja Datuk Seri Dr Mahathir Mohamad ke Pulau Pinang selama dua hari yang dijadualkan mulai 8 April ini ditangguh berikutan kesihatan beliau yang tidak mengizinkan.

Ketua Menteri, Tan Sri Dr Koh Tsu Koon, ketika mengumumkan mengenai pembatalan itu, berkata kesihatan Perdana Menteri yang tidak mengizinkan itu memaksa beliau menangguhkan lawatannya dan tarikh lain akan ditetapkan kemudian.

"Saya ada menghubungi Timbalan Perdana Menteri, Datuk Seri Abdullah Ahmad Badawi untuk bertanya keadaan kesihatan Dr Mahathir.

"Walaupun, Dr Mahathir kurang sihat, semangatnya untuk bekerja dan melawat Pulau Pinang tetap tinggi, Bagaimanapun, beliau dinasihatkan oleh doktor yang merawatnya supaya mengambil rehat secukupnya," kata Dr Koh pada sidang akhbar di Perbadanan Pembangunan Pulau Pinang (PDC), Bayan Baru, di sini hari ini.

Beliau berkata, kerajaan negeri dan rakyat Pulau Pinang berharap Perdana Menteri cepat sembuh dan kembali menjalankan tugas seperti biasa.

(END)